

2010 Rhif 2021 (Cy. 189)

PRIDIANNAU TIR, CYMRU

**Rheolau Pridiannau Tir Lleol
(Diwygio) (Cymru) 2010**

NODYN ESBONIADOL

(Nid yw'r nodyn hwn yn rhan o'r Rheolau)

Mae'r Rheolau hyn yn diwygio Rheolau Pridiannau Tir Lleol 1977 (O.S. 1977/985) drwy ddileu o Atodlen 3 (Ffioedd) y cofnod cyfan ar gyfer eitem 5 (chwiliad personol yn y gofrestr gyfan neu mewn rhan ohoni mewn cysylltiad ag un parcel o dir neu, os yw'r chwiliad yn rhychwantu mwy nag un parcel, y parceli hynny). Mae'r ffi'n anghydawns â Rheoliadau Gwybodaeth Amgylcheddol 2004(1) sy'n gweithredu Cyfarwyddeb y Cyngor 2003/4/EC(2) ynghylch mynediad gan y cyhoedd at wybodaeth amgylcheddol.

(1) O.S. 2004/3391.
(2) OJ Rhif L 41, 14.2.2003, t 26.

2010 Rhif 2021 (Cy. 189)

PRIDIANNAU TIR, CYMRU

Rheolau Pridiannau Tir Lleol (Diwygio) (Cymru) 2010

Gwnaed 8 Awst 2010

*Gosodwyd gerbron Cynulliad Cenedlaethol
Cymru*

10 Awst 2010

Yn dod i rym 31 Awst 2010

Mae Gweinidogion Cymru'n gwneud y Rheolau a ganlyn drwy arfer y pŵer a roddwyd i'r Arglwydd Ganghellor gan adran 14 o Ddeddf Pridiannau Tir Lleol 1975(1) ac sydd bellach wedi ei freinio ynddynt hwy(2):

Enwi, cychwyn a chymhwyso

1.—(1) Enw'r Rheolau hyn yw Rheolau Pridiannau Tir Lleol (Diwygio) (Cymru) 2010 a deuant i rym ar 31 Awst 2010.

(2) Mae'r Rheolau hyn yn gymwys o ran Cymru.

Diwygio Rheolau Pridiannau Tir Lleol 1977

2. Yn Atodlen 3 (Ffioedd) i Reolau Pridiannau Tir Lleol 1977(3), hepgorir eitem 5 (chwiliad personol yn y gofrestr gyfan neu mewn rhan ohoni).

-
- (1) 1975, p.76. Diwygiwyd adran 14 gan adran 158 o Ddeddf Llywodraeth Leol a Thai 1989 (p.42) a chan adran 15(1) o Ddeddf Diwygio Cyfansoddiadol 2005 (p.4) a pharagraffau 82 ac 85(1) o Ran 1 o Atodlen 4 iddi.
- (2) Trosglwyddwyd pŵer yr Arglwydd Ganghellor dros wneud rheolau ar gyfer rhagnodi ffioedd a'r dull o dalu ffioedd, o ran Cymru, i Gynulliad Cenedlaethol Cymru gan Orchymyn Cynulliad Cenedlaethol Cymru (Trosglwyddo Swyddogaethau) 2004 (O.S. 2004/3044). Trosglwyddwyd swyddogaethau Cynulliad Cenedlaethol Cymru i Weinidogion Cymru o dan adran 162 o Ddeddf Llywodraeth Cymru 2006 (p.32) a pharagraff 30 o Atodlen 11 iddi.
- (3) O.S. 1977/985. Amnewidiwyd Atodlen 3 yn ei chyfanrwydd gan O.S. 2003/2502.

Jane E.Hutt

Y Gweinidog dros Fusnes a'r Gyllideb, un o
Weinidogion Cymru

8 Awst 2010